

四庫全書

集部

欽定四庫全書

御製詩三集卷十四

古今體一百三十三首

辛巳六

仲夏萬壽寺

北至言將致戒時還宮取便又臨茲詎云適興遊方外
總為祝

釐相所宜雨後松風含颯爽午前花露灑歲筵僧人衣
紫門旁跽可識袁州鄭谷詩

樂善園

精藍略領伊蒲味順水進船真快意芳園岸側可徑孤
綠天深處聊成憩小憩清華水木軒當年康邸餘顏垣
稍加脩葺復舊觀去聲東平樂善名猶存善之量誠殊大
小樂所被應有多少何人可無樂善心詐止燾黃苴白
道顧名思義我尤殷安得天下皆善人優遊無事風俗
醇四時不忒歌恒春

蘊真堂

一歲名園來幾度庭前花木鎮如新生機無在無不在
是謂書堂善蘊真

仲夏瀛臺

雨霽朱明曉亦涼
順塗總駕賞煙光
誰云城市無三島
即聽松篁有八琅
荷未放花先吐葉
燕來窺戶舊巢梁
弄田自是茂新穎
悅在農郊景勝常

淑清院

金碧樓臺瀛島望
淑清山水瀑簾聞
一般都是勝朝蹟

奢儉之間異所欣

韻磬居

風水相吞吐磬聲出碧鄰自成宮與角底辨主和賓似
矣彭蠡口居然泗水濱東坡笑李渤蓋是特欺人

題古扇十柄

松翠桃紅太古春四圍山色邏嶙峋高人獨泛澄潭月
不向武陵重問津

右張宏松灣桃浦

花中自是風流品底事杜陵詠未閑莫訝兩禽分背立
其間樂意正相關

右凌必正棠枝語禽

山塘虎踞勢崔嵬塔影當天空

去聲講臺樹樹峰峰似相

識箇中曾是品題來

右陸治虎墅清遊

與雪曾無半點差酣紅香裡翦風斜未離飛鳥於何見
不愛梅花愛杏花

右吳令杏花白燕

千盤棧道與雲連
旅客貪程各向前
千古題詞誰造極
依稀憶得李青蓮

右袁尚統蜀山行旅

介芳氣味雅相投
猗猗竽簞顧影幽
應是庭中詠絮罷
自於林下寫風流

右趙文俶新篠幽蘭

萬玉叢中伴七絃
動操且置坐聽泉
不為羽調定商調

琴外傳琴是畫禪

右董其昌竹泉琴韻

秋樹含風踈動枝坐觀飛瀑落屢屢色聲淨處忘空有
忽憶山莊曾爾為

右邵彌秋亭觀瀑

梅石曾尋德壽宮簷頭猶見舊家風
寒香不是人間卉
只有幽篁訝許同

右藍濤嫩籜寒香

漾月涵空萬頃鋪遠山一抹有還無扁舟浴演歸何處
可是從茲入五湖

右周時臣越谿秋泛

弘德殿齋居

致齋返彤宮勅幾臨紫殿對時凜金柅惜陰矚玉箭弘
德構斯肯循名實期踐叶敬

天在愛民居貴可忘賤籌治誠契要勵人已敢倦時豫
允厚幸厚幸益兢戰庶幾奉

前猷億載皇清奠

靜怡軒作歌

城市人煙庶倍常
官庭繚繞圍紅牆
比較園居實覺熱
祇有靜怡猶爽涼
靜怡爽涼寧繫境
白傳詩禪趣堪省
然子憂樂以天下
自怡詎可常耽靜

英華殿菩提子數珠

七樹恒沙結子多

菩提樹七株森列
殿墀事見前歌

數珠拈百八云何

欲因悠久卜皇祚
詎是尋常佞佛陀
顆顆圓融開意蕊

纍纍聯綴振禪柯蓮池淨業吾無暇蓮池蓋守中峯靜清規念佛者
置如聞鳴法螺

題陸治層巖飛瀑

幽人坐水閣背聽飛瀑聲隔岸聊縱觀桃花幾樹榮
性實而近見性虛而明虛却慮指蔽實不礙垣橫五官
各有長殊用在致精量材善器使耳目功乃成

北郊禮成有述

北至今時屆

澤壇古典稽晉琮欽

母事載物德

天齊雅樂惟依律太羹不和醯雨暘叨

厚貺雲氣又生西

郊外

郊外今朝見麥收崇墉比櫛積如秋念茲希有叨

天貺虔輦猶深保泰謀

尚餘春麥未登場更說傭人價倍翔數十年來幸一遇

敢云穀賤厯農傷

雨

五月十九日

邇日炎方熾思量一雨宜祭迴纔吐靄午過遂霏絲頓
欲衣添袷已欣餅上匙溟濛煙水意耐可泛滄池

題張宗蒼雨景

猶有宗蒼畫未題補吟正值雨雲低斯人已往曾何往
此句全提非半提

雨中泛舟

上下縱橫清不禁真教澄瀨盡神心却無點土遙疑岸
乍欲添衣涼滿襟雨裏山如潑墨色風中橈似戛球音
水晶宮殿麟毫捲從此防邱定可尋

題長春仙館

舊室何來仙館號長春緣識

聖人名敬思仁也今天下偶憶間哉昔玉京對景那能
仍獨樂翻書惟是慙去聲躬行宜晴宜雨農功協花木今

纔一遣情

澄素樓作

層屋鏡中央石橋接逕長春秋風月趣上下水天光澄
到塵無處素先繪有常不忘叅理性攬景定何妨

池上居

何處暇居宜文軒臨碧池舊年如昨日長夏又今時偶
撫幾家帖或吟數首詩幸逢暘雨若與物共熙怡

古簾頭三首

試問陌頭牽別恨何如洞口引仙緣勤中合寫非無意

欲借清風示畫禪

右王武桃花楊柳

野水斷橋蘆荻蒼高槐花色半開黃短亭策騎伊誰氏
似赴長安舉子忙

右孫枝秋原策騎

蠟觜翻翔萼葦枝口銜金子嚙猶遲一般名字兩般物
蠟觜亦名梧桐誰主誰賓各不知

右陸治梧桐蠟觜

仲夏遊玉泉山觀麥誌喜

遊山却步輦信馬試絲韉藉欲知勞逸因之趁爽涼煙
宮憩席玉綈几挾毫霜騁望真餘喜崇墉圃麥黃

近青閣

樹深嘉蔭草敷馨屨步因成小憩停延閣今朝信名副
四山雨後濯濃青

題擲翠樓

一翠林巒萬態奇高樓座每向窓移西山爽氣在襟袖

南渚澄波映目眉蟬始曳聲風助響荷將吐色露生姿
可知攬景擷芳處總是對時育物時

弄珠室

水軒臨平湖湖中泉噴珠其數乃無萬忽有忽復無顆
顆皆圓融融朗朗絕覲覲信摩尼真寶不藉鮫人輸照乘
彼小哉如意如是夫

賦得風篁清聽

耳食取無盡心叅用有餘偶披風送爽恰傍竹延虛傾

聽神俱靜含清志以舒龍文依節變鳳籟自竿徐落落
八琅作蕭蕭五蘊除辨聲師曠擅到此合茫如

靜怡書屋

一室惟饒靜六根總覺怡纖塵不到處長夏恰來時泉
韻清盈耳松陰翠匝墀祇宜終日坐亟去笑何為

內朗室

明暗相循豈有窮六根六識蘊其中薦逢摩詰還應問
鼓額花開幾度紅

題錢貢瀟湘八景

昏黃夕色入蘋蘋秋水無端漲夜池
恰似樊南歸未得
沉吟憶著北人時

右瀟湘夜雨

七條披處六根灰定有天花落講臺
認是開元寺西閣
暮聲浮過洞庭來

右煙寺晚鐘

晚帆何事未云收不是名舟定利舟
帝女出遊澧沅浦

飄風作矣且宜休

右遠浦歸帆

莫厭水多山勢少試看晴靄蔚巴陵清新最愛青蓮句
秋色蒼然際海澄

右山市晴嵐

月不流波亦不流笑他木葉下生愁湘君那倩詩人弔
萬古洞庭萬古秋

右洞庭秋月

春北秋南信不違
沙明水碧任翔飛
上林矰繳無須慮
未管蘇卿間是非

右平沙落雁

澄潭落網得江魚
鼓枻斜曛樂水居
莫笑漁家無古話
大夫曾昔見三閤

右漁村夕照

江天爭雪不爭多
幾疊銀稜間翠螺
直與屈平寓神照
那更馬遠較如何

石渠寶笈藏有馬
遠瀟湘八景畫卷

右江天暮雪

雨後萬壽山

今年暘雨特和時為此尤殷戒滿思雖是乘閒事遊歷
敢云對景恣熙怡籠庭水樹宜涼影匝砌煙花帶露姿
所喜予心別有在十分麥穫稻秧滋

延清樓四題

春風

習習出深谷蓬蓬拂遠坳雖資搖葉發莫便致花零披

去十分快御來五日冷獨宜石泉側益覺入清聽

秋月

窓俯涿溪濱團團上下輪與秋為契友得我亦佳賓太
白非希彼伯淳略可人霓裳知有曲不向廣寒詢

夕霽

西山正當戶夕霽遠迎齋常接氤氲氣堪澄澹蕩懷鋪
來空水合捲得利名皆處士寧欺我尋思真覺佳

朝嵐

非煙迷遠嶠映日認晨霞縷縷依林表濛濛暗水涯粥
香出旅店鐘韻落僧家且愛一樓領休同八伯誇

水周堂

戶對西山爽階含北渚流一庭畫無盡四面鏡常浮清
興不期引澄觀隨分投如云比德澤亦欲萬民周

構虛軒口號

小憩雲軒近顓空促成七字八义中興將景究來何處
試問構虛是異同

雨
六月初二日

數日以來實盼晴所為收磬麥未畢街頭新餅已上盤
麥後種蒔苗又出昨近炎蒸特異常雨其時矣奚可必
卓午雲生條滿空初風風息雨隨密或徐或疾或盆傾
簷溜已鳴溪水泌如人所願惠

天恩普利農功真大吉怵惕自問承惠方惟益愛民凜
無逸

題董邦達葛洪山八景

紫雲峰

際天峯疊樹槎枒日照晶晶蔚紫霞底事千秋色不變
多因津逮潤丹砂

清虛宮

夷峻仙館號清虛壁有人間不識書李氏

名昇五代人有葛洪移居

圖

若成手卷畫想當移向此中居

留雲院

舊宅蕭蕭萬木稠誰云雞犬盡仙遊却看黃鶴千年返

識得白雲一片留

幽栖寺

有泉落落有山嶙嶙結箇茅菴足養真莫怪無端居竺氏
一般都是出塵人

嘉植園

種田治產那關心樹亦成仙鬱到今不向丹臺稽姓氏
定須認作董家林

垂露巖

嵌巖鍾乳滴泠泠一飲能教骨換青有此天然會真處
今求勾漏底須寧

惠利祠

一水縈紆幾溯洄

此水流為唐河西巡時經之地方官動帑架橋以濟

溝渠疏

治稻田開

乾隆十年命直督高斌引唐河之水疏渠開田民資其利

濟人遺世同源

處始識葛洪山下來

璇源谷

飲水遙知方折源佳哉山色罨巡轅侍臣信有傳真筆

却合吾心向所存

籠鳥一首

籠鳥來嶺南毛羽甚楚楚問胡別故鄉祇為工言語其
言自弗知耳食非心杼原有一藝能得廩半合黍所樂
未斯存騰踏不安處致拋散餘糧紛紛鋪砌礎野雀呼
其羣飽食翮高舉籠鳥磔磔鳴已殮恨他取

題含碧堂

長春仙館中
舊時書室也

書屋倚滄池盈窓漾綠漪水温冬不凍

是處水温
冬常不凍

夏爽

月來時靜可澄觀物動常引構思卅年前所作都大取
於斯

碧雲樓

高樹橫樓出碧雲金字題含風翻颯颯過雨轉淒淒絢
帙氤氲映晶簾淡蕩低晚來更別致山色夕佳西

鳴玉溪

高水盈科自就下泠泠韻出玉鳴溪問珩已致王孫誚
祇有林泉無礙題

思永齋

佳處堪永日因題思永名絜矩在虞書詎惟怡六情政
靡不有初道益謙虧盈肯構期於萬亦云觀所行即景
識心官慎脩勵以誠

眉月軒

臨水䟽軒曲若眉人猶未當去聲月猶之那更法善資神

術即看當前七寶池

鏡水齋口號

銅鑑衣冠正人鑑善惡知閒齋名鏡水清濁別於茲

稻涼樓

綠塍渾是水雲鄉觸目知耕復課桑此處不須稱避暑
北窓常引稻風涼

賦得天水相與永

生一還為一上空合下空因遙翻似近不隔本來通詎
必星辰列猶嫌荷芰叢道存昭曠裏機息躍飛中有有
無無始澄澄蕩蕩融臨池王內史八法會其同

新月

六月六日

新月寬於眉有光半因載月半乘涼秋蟬試響初聞處

是夕秋蟬始有聲

彈指流陰幻是常

瓷猫

動物何來埏埴成官窰不辨宋和明笑中正自疑義府
指處真堪諷蔡京陶犬瓦雞恰宜伴盆魚壁鼠漫須驚
置於燥色牡丹側方識如絲正午晴

荷露一首

瓊葉承珠露收來沆瀣新延清蕪却暑癡念笑銅人

季夏討源書屋

卅年景猶故

夏清退常欣每此咨敷政覆其仰

放勲天機物長養道趣水溶沅便爾摘毫詠寧如大塊
文

昆明湖泛舟示尹繼善

泛舟昆明携近臣繼善南來亦同舸忽然博古謂盛世

龍彼漢名似弗可笑而謂之意固佳黑土原非沿却火

未聞神池自堯乎

皆見三輔黃圖

詎始茂陵劉郎那道古且置

言今時即云龍漢我不辭闕疆二萬里以外用兵纔閱
五載遲西海一帶皆吾屬歲歲入貢朝丹墀伊肆耕牧
日孳息烽火不作寧邊陲一狼十羊非所喻試問元封
能爾為

浮青榭

不雕樸榭水雲隈戶牖空明向遠開北渚碧波那流去

西山翠色自浮來愛者入鏡高低影底論為舟大小材
似此最佳終歲裏無過一至笑忙哉

雲松巢

松巢山半夏如秋更有白雲在上頭插壩雲寧嫌挂破
氤氲松若喜同流似茲合處陶山相否則相於沈隱侯
我自先憂後樂者是間奚可久淹留

賦得揚仁風

為軒如扇樣對景與題名擬欲仁風遍非圖暑氣清怨

咨方在念懷保要惟誠持贈綸巾者休誇用智精

香岩室

依巖得古洞倚壁構飛廊入匪重門限坐生虛室光塵

祛滋意蕊聞復

讀如來復之復

發心香大士非空色端居如是

常

戲題留雲閣

香岩室右接複道雖非曩延殊窈窕高閣一間據極西
鑿壁安甍萬林表本來意欲寓江南江山清致頗能兼

坐未暖席輒復去亦予自問不解處

翠籟亭口號

籟匪翠所期翠匪籟所知流青飛碧間落落含金絲詎
云不得平亦欣所遇時翠籟真翠籟仙樂夫何疑

熱

六月初十日

不雨將及旬昨晚纔微灑僅看濕地茵未至溜簷瓦炎
燭邇來劇赫日赤如赭二麥已收定禾黍遍綠野長養
茲其時亟待甘膏瀉人咸云可需我獨覺難假今歲實

厚幸優霑春逮夏恃

恩或志矜致是遲遲者協時大雨行佇霈

天錫嘏

池亭對雨

六月十三日

晴空過午雲容委
庶纖初作繼靡迤
池亭披爽眇煙霄
滴滴濛濛卒未止
勢將入夜審何妨
時行大雨惟時矣
自春徂夏屢霑膏
麥收禾長稀逢此
近旬不雨我已愁
乃知患失吾猶爾
電電滋地將寸餘
夕陽忽露天衣綺

何當大需達明晨普愜三農望全美

題陸治四時蔬果卷

各種頗多但取文徵明王寵王穀祥彭年諸人所曾詠者

題句亦旁及
未經詠者

笋

子瞻玉版名雖好佛法賺人又底為記得韜光雲徑側
山僧帶雨麝來時

佛手柑

曰香曰嗅作麼會非色非空那可拈便與朱櫻紫菱伍

二物卷
中所有如行異類正何嫌

葶薺

刺齒鏗然沁冷香紫瓊九貯碧琳筐江鄉風味真清絕

何事偏方豬與羊

見本草
衍義

杏

色似黃金初過火味如白蜜略加醃木奴謗詡千頭富
藥料還看萬樹齊

桃子

收核劉郎意太貪
千年一實待誰堪
不如長嘯歌梁甫
又恨曾讒壯士三

楊梅

飛雨濛濛渾節令
金丸綴綴滿江干
楊家雖與梅家合
猶帶心中一點酸

茄子

衣紫僧人味偏好
畫禪五詠有同心
終須粉本輸南宋
錢氏三蔬憶背臨

枇杷

底事名同火不思
風前聲勝四條絲
從來蹤跡絕江北
應恨明君出塞時

荔枝

夏末秋前閩貢到

寢園薦罷亦分頒
依然時節依然果
幾度迴思幾度潛
蒲萄

有苞無核亦奇哉
綠玉瓊漿到口開
堪證漢書非大誤

移根新自葉羌來

蒲萄始張騫移自西域漢以下無異詞獨蒙泉雜言引本草已具神農九

種及魏文詔稱中國名果云云為不自西來之證然攷腹地蒲萄別種雖多而色綠無核者絕無其產今回部胥定葉爾羌諸城歲以充貢並命移條植之則漢書所傳自為有據

藕

天然白質吐花紅太華峰頭想像中
却訝緣何絲不斷
多因七竅特玲瓏

石榴

一顆中含子百房間誰解與醞天漿
六根八識胥何物

不及于思可口嘗

沿籬豆

引蔓牽條詎善緣
垂垂花實颯然秋
風籬落金剛句
絡緯聲中又一年

香緣

具珠之體具檀味
總是祇園席上珍
設使不妨以色見
圓圖金粟即前身

柿子

霜落秋林熟。爪鴻下過中社酒。村翁似茲那藉封侯。號
却見裨官擬剪桐。見張定在田錄
紀明太祖事

蘿蔔

淡白深紅帶露新。熟餐生啖勝行鱗。包山設色諸賢詠
同是箇中識味人

夜雨

六月十五
五日

詰旦細雨卓午晴。傍晚西山雲復生。風吹雨去露皎月
載月不樂心怲怲。初更就寢二更問雲。雖屢作星猶明

三更假寐略睡去忽聞簷溜激越鳴疑是夢耳宛醒在
妙哉酬我延佇情時疾時徐聽歌枕銷人報已歷四更
擬聲乃在五更失曉起餘戀懷中縈不雨固可冀再雨
多多益善資農耕

復雨

六月十六日

昨夜雨已好侵晨趨問

安視事取近便依例總討源進止次第畢駕言萬壽山
山氣較前佳吾猶冀澤連便命肩輿歸御園纔登船雨

脚森然落三峽忽倒懸豐隆奮厥鼓列缺揚其鞭咫尺
幾曲川渺若無涯邊但見上與下一水無餘焉炎燬頓
如失切體生微寒此番實暢足額手慰且虔明當返清
禁吾將驗諸田

郊外

園居欲彌月心在郊外田不如目見之今朝始欣然早
苗固已秀新秧亦芊緜都因一雨佳寧不謝

泰元謝惟期實耳欣即慮矜焉實勵以敬勤矜祛益惕

乾

季夏鏡清齋

皇子成婚返禁林，水齋取便一來臨。
石泉過雨聲偏壯，夏木鋪陰翠益深。
成趣靜因工斷手，引機動以景怡心。
如駒迅影即常住，何礙星星鬢角侵。

沁泉廊納涼

雲廊對鏡齋，沁泉斯其名。
引水流屋下，落溪颯有聲。
步屣過石橋，乘涼坐南榮。
松風送爽來，正值宿雨晴。
澄照

與清聽均足怡神情因悟就濕性所貴由天成搏激夫
何為子輿論實精

畫峯室

躡石度溪流書室秀而野初不知有峯峯列北窓也高
下入畫情是誰逸筆寫謝客句斯拈李仙燭斯把丹青
色或淪松杉韻非假竒在聽有聲瀑水泠泠瀉

太液池觀荷詞四首

宿雨初收太液池紅花總是出塵姿巧逢鳴蹕旋清禁

似向人言正好時

蹟久泥深花竄稠西池原在帝王州人間若復方君子
應是八元八凱流

香霞難想檀芳麝文錦何妨綠與紅却恨春明真夢語
獨教佳景讓秋風

等閒未放擷芳船葉葉花花契靜緣讀遍三唐採蓮曲
阿誰不是愛妖妍

待月

六月十七日

夏夕載月宜盈手冰光滿今歲雨暘時幸可閒遨散近
甸澤稍稀踊懼將成早未至徹減甚泛舟心獨憊一夜
大霑膏雅得事遊衍誰知時易遷月上較前晚待之迤
西岸東岡屢舉眼金輪湧出林大地清輝轉譙樓已初
更却命蘭橈返徘徊詎不佳流連實非善

書篷頭賜駐守伊犁內大臣阿桂

典屬今時班定遠冠軍昔日霍票姚

阿桂於平回部時以歷戰奏奇捷今

統留駐伊犁兵循行諸部屯政撫輯合宜其勇決沉斷殆無霍班之美

雪塗無藉持清暑

欲扇仁風萬里遙

讀書

聰明不可作逸豫亦戒盤
長夏幾務鮮為之弗遑安
何事足陶情諒無過簡篇
開卷斯有益淳化垂名言
三百蔽以一無邪得心官
切已更請進惟曰為君難

恭奉

皇太后御園觀荷作

霽雲初過雨拖雨又生雲
暑月無炎氣清花有淨芬
允

宜邀

懿賞至樂謝繁文鏡面披仁壽香霞於上氲

藻園五詠

石

莫謂一拳小請看九仞高飛來舞鸞鳳捲去擁波濤得
受衣冠拜誰能繩墨操置之滄海上端合駕神鼇

泉

牆外引高水流為石下泉雖云因假藉亦自有淪漣可

愛一泓貯寧湏百道懸
回回縈碧澗琴語聽成連

松

放幹遲楊柳大材不速成
卅年纔入畫九夏正當楹
蔽日衣衫爽疏風几席清
如逢橘中叟借與置棋枰

蓮

穀雨分秧藕三庚吐蕊蓮
育才應育德稱潔不稱妍
露葉含香細風葩入影鮮
何湏涉江采俯檻便芳蹇

鶴

胎仙抱卵成埭畔引教行雖覺同廝養猶看是傲生身
無入俗韻喉有咲霜聲設使冲霄去可能識玉京

連陰

六月二十日

山易生雲雲易雨時行應節已連陰剛欣綠野歌優渥
又覺周書陡厓心

繪雨精舍漫作

春雨惟知喜言北非言南夏雨愁喜半取時非取淹喜
愁自在人何與去聲彼電電惟人所欲多捨喜趨愁甘望

之未久忘對之轉微嫌似此無厭求母副子難堪繪事
在傳情聊誌吾所慙

題霽華樓

初收宿雨霽華披近遠峰巒濯翠姿却似高樓解著語
壁間宜有喜晴詩

喜晴誌言

望雨雨喜雨冀晴晴喜晴究之冀望多可以覘人情知
足弗冀望繫我猶未能我恒籲諸

天時蒙

恩佑承萬民
德我澤可忘
保赤誠堯舜
雖猶病願言存
哀矜

夜雨

六月廿三日

剛喜兩日晴
復聞半夜雨
間作知不妨
終覺憂心忪
二麥收已定
大田美兆許
何以保美兆
惟賴時若叙
經事慮轉多
患失愁益懣
明朝晴斯佳
欹枕以延佇

西直門外

夜雨廉纖破曉稀
視朝清禁駕言歸
東華日朗浮雲散
郊外晴光颺翠旂

剛盼時晴果放晴
苗而秀實待西成
霽煙猶戀衢旁柳
萬縷珠光綴灩晶

豐澤園小憩

樸斲

先朝制劬農今日同
若時真是澤未穫敢言豐
惟此勤民計無他厓我衷
曉涼復餘暇暫憩瑞雲叢

虛白室

石縫若無路松巢別有天
虛原白之母夏以日為年
風度座拋扇雨過樹噪蟬
吟安便移步藉悟不流連

植秀軒

不栽楊柳不栽槐但植資
簪繞閣齋萬玉晴煙敲秀
色肩吾句裏識真佳

古籟堂率述

太古此天地太古此風月
斯堂籟稱古名因古枯發
枯

雖老他樹生自金源勃以視嵩陽植籟古千載越俚佞
遺堯物古更嵩陽突展轉溯厥初古固不可竭惟其不
可竭謂斯古亦達喬枝落落鳴那管聞批抹

沁香亭

臺亭百步接迴廊液沼平陵號沁香甲煎罷燒雲錦纈
果然六月有春光

養心殿晚坐

園林夏氣清宮庭市煙近視朝不可闕暑節彤闈返雨

霑弗覺炎涼颼雞樹晚此時雖幾間農務籌邇遠大抵
麥收佳禾黍苗芄芄但祈時暘若可冀西成允誰為無
望人望歲吾尤緊



御製詩三集卷十四

欽定四庫全書

集部
御製詩三集卷十五
十六

詳校官侍郎臣謝墉

助教臣常循覆勘

總校官原任中允臣王燕緒

校對官中書臣蔣寬

謄錄監生臣劉廷勲

欽定四庫全書

御製詩三集卷十五

古今體一百二十一首

辛巳七

季夏太和殿視朝

一夜陰晴雲未消朝氛斂盡旭光昭或緣敬事蒙

天佑雖喜宜農戒意驕恭已奉三欽宸御宅中圖治慎

衣宵林鍾東序聲韶樂應月詳求律呂調

先是設朝皆用黃鍾宮樂

部奏定十二月各用其律從之

淑清院二首

朝罷乘涼御苑歸
淑清咫尺換朝衣
假山古即真仙境
松籟生寒翠十圍

石罅淙泉聲益壯
竹梢滴露翠猶深
卅年前此徜徉者
迴憶原無此日心

千尺雪

引流亦藉天然勢
雨後崢嶸落漱湍
底識不孤盛名處
坐來六月却生寒

望瀛臺未至寄題其壁

御園宜夏日亟圖赴爽還液岸度肩輿過置咫尺間著
句題其壁亦如親歷蒔試者昔親歷所題矣殊焉瀛臺
信瀛臺木石皆神仙笑似擊腕人可望不可攀

樂善園小憩

長河進輕舫上水畧成遲泊墅宛然在夏涼小憩之徑
何妨草蓐窓或有蛛垂野趣宜清賞因題五字詩

長河進舟至昆明湖觀農攬景因成四首

倚虹堂畔放煙舟慶典攸關事飾修幾度往來經指示
歡心無不為

添籌

治園小憩便教行最喜西山放曉晴撲面青含風兩岸
冀酬農父力田情

萬壽精藍河岸邊松杉出寺影蒼然今朝風利不成泊
試問閭黎可是禪

誰云上水船難進攬結斯須亦至湖一片空明無色界

鳳凰墩在鏡中圖

夜雨

六月廿六日

欣纔兩日晴聽厭徹夜雨情知時行節易致商羊舞潤
物雖為澤太過恐無補早田縱不礙麥後苗新吐明朝
晴始佳卜度憂心恒浩浩聽勿休解悶詠工部

豈慮我屋漏豈虞我階侵君牙有明言怨咨懷墊沈淫
溢殃廬舍補葺尚可任過甚乃傷稼何以當洪霖展轉
冀斂翳不寐愁予心

喜晴六韻

金翼曉光鋪天衣有若無不能成眷戀遂以散斯須赤
日午炎盛碧空夕景殊宜暘新穗曝去溽晚苗扶屋免
致淋嘆田歌望歲娛今朝晴始定愁與亂雲徂

隔溪聞鶴聲

隔溪非迴絕依約聽脩然必自孤松頂或由詭石邊悠
揚度雲水寥亮勝絲絃如在蓬瀛上聞聲不見仙

稻穗

五月早稻熟此言炎方郡漸北即漸遲自緣關氣運燕山獲九月匪因農弗勸七八月見穗例事常年分今歲雨暘時五穀助長進六月見稻穗喜非望中信陰晴殊未定為此惕且慎籲

天賜快霽西成冀豐順要務無餘竒予責敢旁引叶多稼題軒楹勸農仰

庭訓

悅霽亭

輟翳澄氛頃刻間碧天如洗倚青山恰宜悅霽亭中坐
數日愁消片晌閒

鑑光樓

拾梯似開奩俯窓如拂鑑在器斯已大在塘詎云欠澄
渟半畝貯無藉風漪激衣冠正有餘鬚眉照不厭於水
喻何妨於民凜敢泛

荷香亭

湖中厭藻蓐畜鯨食以淨因之殃及荷霞朶無全柄植

箔如蟹斷醵鰕種藕竟夏月原有荷水亭香錦膜一轉
移之間是在格物性君子藉栽培棧樸周詩詠誰云涉
趣處不可通為政

六月廿九日青龍橋西即事二首

乘涼問山園亦因驗農事積水率已消良苗暢新霽更
慶未前聞早稻已吐穗此後得宜暘冀可稱稔歲每過
青龍橋為之遲按轡

橋西不五里近接玉泉山山氣翠蔚佳已在眉宇間路

右帶野村路左皆水田村房被霖頽即此知民艱未可
聽荒落為之葺以官子輿聞子產惠之行所安

題翠雲堂

書堂經歲坐似此竟奚庸自是心無逸亦慙步有慵蟬
聲前後續花影去來重好在惟雙枯森森翠越濃

甄心齋口號

一過佳處觀大意暖席坐曾罕遇之今日高齋消半刻
為吟七字得便聲平宜

影湖樓十詠

天光

湖樓縹渺水中央
艤棹攀梯納夏涼
不著太清此子翳
舉頭落落祇天光

雲縷

極目天邊一縷雲
今來却少見為欣
須臾散去無蹤跡
水裏何曾半點分

山容

西山微遠北山近翠羅青圍碧鏡中
鹿苑蜂臺胥佛力
攜將峰色住於空

波態

波光翻影上楣欄拂暑風來漾細瀾
恰似當前展畫幘
於流動處正宜觀

塔影

定光突兀玉峰頂八面玲瓏十丈披
乍憶杭西盪畫舫
南屏塔影落湖時

鐘聲

招提不著俗僧住也有鐘聲下界聞底事十分清入聽
度來水氣帶氤氲

鶴唳

方壺曾是唳雲濤小試溪山亦自豪設使伯牙篴鐘撫
定成朗朗水仙操

蟬吟

圍湖綠柳已成陰最喜高蟬喚霽吟誰道脇鳴物無識

此聲端愜望晴心

樹色

高低樹色影波中倒正雖殊動靜同恰似美人臨玉鏡
絲絲綠髮不勝風

荷香

仙想精神霞想裳層樓小憩水風涼沈檀甲煎都無藉
自在光中自在香

時哉行

昨日之昨不可追今日之今去若馳去歲望今年猶覺
稍佇延今年視去歲不啻俄頃事以此例彼三萬六千
日駒隙之辟誠非失佛氏剎那不住學未遑且學惜陰
凜無逸

七月朔日作

太室嘗秋辰周詩詠豳日伏暑行將消白歲已應律三
朝欣快晴扶桑晨旭出荷擎曉露凜竹透爽風疾立秋
雖尚遲秋意漸已悲惜陰覺時速依節欲候秩杓鑿實

並行澄觀契神謚

詠拔達克山汗素爾坦沙所進斧

有序

素爾坦沙自獻俘奉貢夙著惓忱後因遣侍衛等
齎勅宣諭各部拔達克山復以使臣還朝䟽進方
物中有斧一白金鏤錯文蓋回製所重也詩以誌
事且鐸諸函

齊斧方戡亂蠻書遂獻誠嘉忠頒厚賚貢物表衷情肅
肅喻由義蛾蛾叶利貞

斧刀蛾蛾利匠人
之貞見太玄經

匱藏無所用

聊識武功成

王時敏片石雙松圖

松有寒濤石有稜飽叅黃海得相應英雄故是欺人慣

偏說離塵異允水

見時敏
自識語

熱

七月初
五日

午熱殊迫逼揮扇猶汗流晶陽不可當誰云已孟秋多
有望雨意忘前對霖愁展轉期順適人願實難酬我雖
知此非為田違無由究亦同云然今宵其雨不

漢玉穀璧

車口中規團量盈五寸寬重農惟漢詔典瑞在春官劉
刻渾無迹豐綏兆有端寧須拘子執香裯侑銘盥

雨

七月初
六日

及旬喜快霽半夜雨何礙簷溜撥入聽床簟清可愛婪
熱將盡驅晚蕎澤倍速今歲實厚幸如願

天恩賚亨順易驕矜謙懼吾敢懈

討源書屋對雨

昨日傳宣曉問

安雨如不諳是矜端晨趨退食對雲霞
恰喜衣衫生薄寒

雨中泛舟迴御園

簾林前後一舟通進止惟欽退百工欲返御園盪蘭棹
煙絲風片尚濛濛

水光接上漲溪濱溪畔新葺潤意勻今日昆明聊不泛
恐妨衣履濕多人

眇來涼雨甫生喜霽勢微長轉惘然却擬豐隆聽我語
只宜此日不宜連

題趙伯駒仙山樓閣

層臺出白雲王母候東君俯目壺鴻見咳聲霄漢聞到
寧許方士寫或法將軍

見沈周
識語

漢武斯希緬吾惟政是

勤

七夕偶題

工部詩情真卓越柳州文筆獨詎諧却思天上女牛宿

安識人間歲月排且喜新晴宜巧會湯教細雨泣重華

俗傳七夕必雨為牽牛織女泣別頗有應者

綵棚蛛盒隨節令誰復殷勤兒

女懷

晚晴

時晴時復陰雲容殊未讓輟翳為欣慰繼霽頓惆悵曾
忘一日前展轉其雨望甫足即虞多自覺近孟浪嘈嘈
雲亦厭傍晚晚大晴放

立秋

七月初八日

立秋有常諺難遇雨而晴

農諺以立秋日無雨秋霖必多過大則反是惟始雨復晴

為佳是日正叶其占

正值洗車應旋省翻辟明寧湏太史候堪慰

老農情協紀原吾職惟欽奉若誠

載月

秋月耐可泛况值殢雨晴時哉不可失水面爽風生漾
我平安居月鏡載分明輪是欲圓好光因入秋晶懋勤
筆硯隨及岸五字成

得全閣

飛閣流丹碧水涯遙竒近慨覽無遺微言偶憶淳于氏
君道何妨絜矩思

戲題君子軒

萬个圓三間過雨翠如洗入秋意已涼節月光猶美風
度曲江張瀟灑山東李更有勝人處自不道君子

接葉亭

依林構小亭林蔚亭接葉雖非杜製茅藉悟王傳帖

王逸

少有竹葉帖

月穿如褰幔風度似搖策颯沓與靜謀時節惟

秋懷本來却輕興
逕宜延步屨

陸治鳧鷖圖

秋水蘆花弄影鮮
在梁在渚意悠然
可興為繹葩經旨
恰是生民第四篇

晴

七月初十日

三日陰晴間
既雨虞過多
我心尚如此
奚怪民怨嗟

叶

思艱圖其易
職思可諉他
今朝雲盡斂

乾艱綏晴和
浹旬祝宜賜
屢豐庶可歌

王翬做王蒙秋山讀書圖

耕煙已自做黃鶴又道山樵法巨然

見王翬自識語

非說攸聞

不師古祇應佳處讀遺編

晚晴落景

已是雲閒候欣逢日曝時幾縷不成章幻為霞彩披彩
復漸隱散碧天空四垂東林有奇觀爛爛翻高低蟬鼓
個儻聲荷敲瀟灑枝可以泛蘭舫月光正朗宜

西北風二首

春厭西北風為驅雲阻雨秋喜西北風為驅雲雨阻雨之德為澤有宜不宜時習習者彼風豈能分別知今朝來西北宜暘即因喜三春見生愁蓬然者亦此風本無美惡人實有愛憎宜時斯為佳箕疇曰休徵

華之所謂西回之所謂南厄魯所謂北一方名已三所知即如此定向終誰覃想其不知方屈指數弗堪此之所謂是勒彼從弗甘達觀者莞笑史策多斯談

題職貢圖八韻

累洽重熙四海春

皇清職貢萬方均書文車軌誰能外方趾圓顧莫不親
那許防風仍後至早聞干呂已咸賓塗山玉帛千秋述
商室共球百祿臻詎是索疆恢此日亦惟

謨烈賴

前人唐家右相堪依例畫院名流命寫真西鰈東鷗覲
王會南蠻北狄秉元辰丹青非為誇聲教保泰承

麻慎拊循

秋夕泛月

秋月寡宜人蟾光清朗如惟是間陰晴往往藏夜珠今
夕乃大霽時哉不可孤碧天坦蕩蕩誰能限邊隅豈無
衆星羅月在餘如無我時乘蘭舟徘徊泛御湖愁為宜
腸消興因對月攄點筆亦成章意與青蓮殊

泛月四詠

霽月

恰喜今宵霽景新滿懷冰鑑迴怡神設云品格誰能匹

宋史中曾識此人

水月

內空外空內外空
千江曾是一輪同
透徹猶將過鏡象
清華端合配松風

山月

御湖雖祇假山園
一例林橫復嶺巍
稍待徘徊出牛斗
子瞻七月是耶非

舫月

年年載月適幾餘舫是平安月鏡居清影隨人知樂意
不煩迴棹治軍書

王翬松風書屋圖

茅堂大壑濱翰墨自相親舊矣青氍席飄然烏匿巾聲
流碧濤籟陰覆老龍鱗策杖隔谿者應來問字人

昆明湖觀荷

幾日因循未此過趁晴沿泛一觀荷湖寬分出花無萬
君子由來不厭多

葉態花姿總絕塵
依依照影入清淪
露灑秋曉微風過
亂瀉圓珠是水銀

練橋過去鏡橋來
來去都欣淨植陪
分付篙師須慢著
衆香國裏得徘徊

寄瀾堂

前瀾為過去後瀾為方來
現在不可得寄瀾如是哉
徒觀漪漾者中有至理該
萬物總一致妙趣契清陪

清可軒

萬物到秋清巖軒清氣可石壁育仙茅山相綴野果開
牕有金颺晒宇淨雲朶匡床簟席涼適得片時坐步磴
拾松枝便試竹爐火

題惠山園八景疊舊作韻

載時堂

滿擬周公未號書邇來愁惹得霖餘偷閒快霽聊消悶
那學匡床晝寢予

墨妙軒

王家一筆見奇書並弄蠅頭論望諸

二種皆石渠寶笈舊藏上品

雖

是此軒號青出積薪猶欲不忘初

就雲樓

近來亟欲雲閒去偏是高樓日就雲却向西風思致語

一施神技與吹分

澹碧齋

池齋每對輒心開衣履都教絕點埃如此佳哉山水處

一年屈指兩三來

水樂亭

誰奏泠泠蜀國絃
徐看石罅細流懸
為官為徵徒摹擬
有此原從太古年

知魚橋

香霞蔚覆淨琉璃
極樂國中解夏時
便是游鱗那無樂
欲嗤莊叟太言知

尋詩逕

奇峰詭石解招攜
即是黃金刮眼皴
快霽一天殘暑退

得教觸景此拈題

涵光洞

風人尚絅惡輝光善現由來貴善藏石洞空空了此義
心燈朗照正中央

居節山水

石泉萬仞落屨屨流去誰能計里知散髮幽人濯雙足
別開生面左家詩

題飛雲軒

春蕙英英作勢濃秋希斂盡不遺蹤坐軒棘欲雲飛去
軒笑不知何所從

悅霽亭即景

一歲常一度此亭坐片時中元節至矣霽色恰當之迴
洗天心朗晶懸日面披今朝真即景所悅在暘宜

中元夕復雨有作

是日孟蘭節令逢豈真聽法有天龍淙淙雨勢殊未止
簇簇雲容尚爾濃拂岸聲喧幾楊柳入湖光暗萬芙蓉

需清塵耳無需甚

將以十七日啟蹕幸避暑山莊行秋獮

非為秋巡實為

農

題錢維城秋山圖

紅葉蒼枝間翠松
四山舉目是秋容
跨溪水碓偏宜置
香稻收來正好舂

七月十七日幸熱河以雨寧命誠親王恭扈

皇太后駕俟路燥後行雨中登程跋馬成什

撰良啟駕早傳宣可以秋霖遽易旃敬念

慈寧登大慶雅宜

安樂養高年親藩扈

蹕候塗治宮眷隨行視

膳便涉潦何妨徐按轡習勞更欲閱農田

行潦一首

行潦錦雲騅

所乘良馬名

如履地騰蹕滑刺靈淖中穩步忘

動搖一路驗黍禾切切心不樂

叶

高坂實無害低溝恐

致澇行宮六十里申牌亦已到

叶

宣傳有司官勘恤莫

遺報跋瀟彼何妨巡秋此宸要

愁霖

愁旱雨弗來愁霖雨弗去弗來愁猶間

去聲

弗去愁獨遽

辟如望賜人得佳否如故痛楚迫身者不離將益勵北
地多愁旱或亦我熟路愁霖實鮮遭十歲偶一遇以鮮
越難慣可用知今度濛濛時作止傍晚晶陽露明朝冀
快晴大田庶不悞

石槽行宮駐蹕遣緒

枕上夜雨愁聽闌朝晴仍復駐征鞍昨來山水暴怒漲
僕從溪畔徒俄延已矜露處立泥濘那更驅迫俾來前
命人拏舟普濟度舟少指捫翻遲難行官清憩亦覺逸
待衆反側無遑安錦雲騅縱善行潦獨先安之古有言

懷柔縣東疊去歲詩韻

去歲此經乾石灘今秋一望潦水寬柳橋縛架又值難
昨宵待宿工就艱逍遙河上風人言前秋景況今復然
去歲過縣東秋潦已盡視已郊經此新漲方感情景迥
殊曾有詩紀事今年所值與前歲畧同命侍衛等相視

便道測流徑渡並不需
前詩芟捷絞縛之勞矣
一二地方吏來跽請罪進寸退
且咫笑謂更不須汝曹羽林一一雄材美兀魯回人尤
色喜撒拔踴躍善行水牽馳驅馬須臾間輕裝運畢百
度理我亦乘舟渡河已

山田

山田過潦沙痕淨三日快霽蒙

天庥高原芄茂固無恙下隰仍可強半收迴思春夏特
美善小不足此餘福留究彼一隅斯受歉申命有司詳

恤調復聞關外水易下黃雲遍野將登秋然千間不如
一見明當按轡觀從頭

出古北口即事四首

千山雨過水歸壑五日晴浮爽拂人古北年年雖熟路
一番秋景一番新

潮河波湧構橋艱野舫垂浮過石灘負捆牽馱爭問渡
滿川旅況駐驂省

山蹊避潦昔曾經廿里行宮午憩傳兀魯興州來扈駕

哈邦弗著戴花翎

厄魯特舊著哈爾邦帽今居熱河者皆易中國冠服來接駕哈爾急呼之

則為一字云

隔河迎駕畢招來奔走宣勞實壯哉一百年前此關外却省頽廢有屯臺

關外

關外田經歷歷省不禁額手為農歡高原固喜倉箱近下隰依然穎粟攢菜圃瓜棚賴生計思艱圖易厓心官更披方伯情形報

方觀承奏勘近京各屬大雨後窪地被淹之處高粱早禾業經秀實惟晚

苗力弱豆糜不耐久浸今自十八暢晴水退而
暄熱未減精粒頓湛無礙豐登殊慰懸切也
五日愁

懷一日寬

七月廿四日常山峪行宮作

潦盡朗秋晴

大安亦起程

是日誠親王奏報恭奉
慈輦登程駐石槽

溪橋胥穩駕

沿途
留諸

臣董率地方吏
脩除橋路皆就

巖館忽前迎香撲青楓坂
虛生白室楹

後山親獲鹿飛騎進

行營

駐蹕喀喇河屯行宮作

暑氣入秋澄

昨日廿四
過廬暑候

嵐光依塞凝巖宮騎馬到松牖

望山憑地迴市聲遠歲和農務登興州沿革蹟文獻有
誰徵

灤陽別墅

灤北有書堂乘流渡野航久晴猶盛漲處暑得微涼興
與秋為約心無逸是常對時將育物體驗不拘方

虬蓋亭

千嶂通單徑一亭具四臨納涼成小坐延趣省幽尋寒
益清秋景響含灤水音不須張翠蓋虬幹有佳陰

至避暑山莊即事

三朝秋潦暫稽程策渡輕裝趁快晴咫尺仙莊亦蒞止
萬千寶穡可登盈

堯年家法依然仰

任馭輿梁已就成侍衛馳來知

悅豫慰哉懸切寸心誠

永恬居湯題

關內度秋霖一刻似三日關外閱晴稼日三似刻一歷
喜易愁難百年同是律何如太古山復此虛白室無喜
亦無愁止止恒祥吉

創得齋

松下石門僻巖端栢棟深初來即創得觸目總怡心山
靜有餘趣秋雲無定陰經年彈指頃應與暢幽尋

枕碧樓

高與蒼松齊頂背靜將翠嶺接精神經年權借山公領
今日依然屬主人

題食蔗居

食蔗末益甘是居有若是石溪幾轉遙巖逕百盤裏十
步不見屋見屋到尺咫攀磴坐南榮縱目在千里信馬
去秋得斷手今年矣三間與剏名萬象該精旨此無警
句酬想乃無其理

小許菴

食蔗居旁小許菴更難小矣大偏含擬於方寸猶為大
可識名言總戲談

倚翠亭

虛亭倚巖壁翠色迴含秋悅可容雙膝遙宜縱遠眸老
松自古獨衆木尚陰稠杜句雖恒憶

謂賦詩何必多

其如興每

投

詩思

詩思由來奚所似雲依山起月臨池試猜無著分明是

便問何因自不知兩漢三唐彼糟粕宵衣旰食我君師
先憂分也時後樂拙速當之謝巧遲

園鶴

園鶴年年飽稻粱每因尋鹿試神鎗一般都是仙家畜
無可欲惟爾所長

塞蟬

綽爾齊爭噪霽川

關外蟬不入關內其音較內地宏而直蒙古謂之綽爾齊綽爾齊者胡茹

奏曲人謂其聲似故名之

天然南北限雄邊中庭地白傳陳語曰和

明君撥四絃

熱

處暑節已過暑氣尚爾盛此地稱清涼鬱陶勢偏競宜
稼固云佳蒸雲斯為病窪田漲甫消溝塗泥猶溼對時
祇祝晴憂民吾本性

雨

七月廿
八日

一夜喜晴月五更山吐雲固知熱所致其奈雨偏聞那
覺溼濛濛好惟希霰隼分石梁縱坦治無乃

大安勤

青石梁為出口第一大嶺
是日慈輝應過此

題敞晴齋

一壑自綜妙三間正敞晴
適來欣霽景便與勒新名
雲散若無力山迎窻有情
吾心喜猶別多稼近西成

繪韻樓

繪事奚稱佳氣韻貴生動
然實人所為靈機出心孔
豈如造化工無為無不綰
時行與物生肖翹荷天寵
因悟六法兼益凜三無奉

清綺書屋

蘿蹊縈繆石泉潺書屋蕭然得此間松籟有聲真避暑
芸編無射寂消閒言清見說元祠部練綺不希李義山
策馬漫隨夕靄下崇椒迴望失林關

山心精舍

山心有招提恰似水中月大士坐如如清淨衆香醇返
聞得真寂孰髓孰為骨蔚翠自有常受虛總無竭適從
西嶺下聊就北齋歇即目與題名匪云學禪悅

觀瀑

虛榭又來憑飛泉恰絕勝喧於聞處寂素與望中澂六
律渾非樂一條都是水自詩自成和差免誚徐凝

快晴

半夜雲開星有點四山風落雨無聲已欣攬被殘暑退
便起披衣曉氣清把筆批章曰幾勅臨門觀射以材程
今朝益覺仙莊好都為金鷲報快晴

嘉樹軒

一樹當軒翠鬱森，構成樸斲就嘉陰。因知事半功常倍，
理趣逢源總可尋。

題綠雲樓

巖齋領要即如樓，況是真樓在上頭。澗葉巒枝皆蔚翠，
朝嵐夕靄却澄秋。心閒乃自雲閒得，逸趣都因綠趣投。
何必沈家誇八韻，千年風月占興州。

清舒山館

紆步因延賞，騁懷在集虛。有書照今古，無物惹清舒。花

桐莊生蝶池飛窰氏魚秋光自瀟落不異卅年初

再題敞晴齋

今日快晴實異常今朝始覺有秋光
風來谷口全含峭
泉出峯腰半帶涼
萬木清暉入
葱蒨三霄空
翠落晶陽
詎予獨暢遊
山興多稼將
登喜若暘

玉琴軒

一水階前環碧瀲
泠泠常作七絃調
雅予入耳會心處
不在徵招在角招

陝甘總督楊應琚奏報甘省豐收已定詩以誌慰
甘涼稱地瘠民貧處窮邊前者用武際適遭災歉連賑
救不遺力迺得運轉旋去歲實大收今春麥獲全方伯
茲奏報稔可定大田額手為民慶况無秋稅牽元氣庶
因復比戶飽食眠幸哉大兵後屢遇綏豐年總荷
皇天慈於我何有焉

御製詩三集卷十五